



## NORMAS DE FUNCIONAMENTO E ORGANIZACIÓN DA AULA LÚDICA CURSO ESCOLAR 2020-2021

### FUNCIONAMENTO:

1.- Para a utilización da Aula Lúdica é requisito imprescindible o empadramento das persoas usuarias no Concello da Laracha.

2.- A Aula Lúdica está destinada as nenas e nenos de idades comprendidas entre os 3 e os 12 anos. O lugar de realización serán as instalacións da aula

3.- O servizo prestarase de luns a venres, agás festivos, co seguinte horario de atención:

Período escolar		De 16:30 a 20:30 h.
Verán	De 9:00 a 14:00 h.	
Nadal	De 9:00 a 14:00 h.	De 16:30 a 20:30 h
Semana Santa	De 9:00 a 14:00 h.	De 16:30 a 20:30 h

4.- A solicitude de inscrición para o acceso ao servizo realizarase no Edificio Administrativo do Concello da Laracha ou Sede Electrónica do Concello da Laracha, no modelo normalizado que existe para tal fin, xunto coa documentación esixida e que figura na solicitude.

5.- Fíxase un **prazo de inscrición** para a solicitude de praza para o acceso á Aula Lúdica, que remata **unha semana antes** do inicio do curso escolar ou das vacacións de Nadal, Entroido e Semana Santa. Rematado o prazo de inscrición fixado, poderán presentarse solicitudes con posterioridade, tendo en conta que, no suposto de que o grupo xa contara co máximo de alumnas/os, a/o solicitante será incluída na lista de espera.

Para utilizar o servizo de Aula Lúdica no Nadal, Entroido, Semana Santa é necesario facer unha solicitude de praza debido aos cambios de horario. Podendo realizar a solicitude no mesmo momento da inscrición para o curso escolar, se é o caso.

6.- Debido á situación xerada polo estado de alarma sanitaria como consecuencia do COVID 19, e para a protección das/os menores e monitorado participante faise necesario acotar o número de usuarias/os para o acceso a Aula Lúdica, motivo polo cal, os **criterios de valoración** para o acceso a mesma serán exclusivamente as necesidades de conciliación obxectivamente demostradas: xornada laboral dos proxenitores e non dispoñer de redes de apoio familiar e social para o coidado das súas fillas e fillos.

7.- Existen tres modalidades de solicitude: **1. Todos os días** **2. Días soltos**, e **3. Utilización do servizo ocasionalmente**. En todas as modalidades existe a opción de utilizar o servizo en horario completo ou en horario reducido.



8.- A utilización do servizo ocasionalmente refírese á utilización do mesmo de xeito esporádico e puntual. Os usos ocasionais están condicionados ao numero de prazas dispoñibles nese momento.

9.- A alta, baixa ou modificación da modalidade de utilización do servizo deberá ser notificada por escrito ao Concello da Laracha.

10.- O proxecto Aula Lúdica comprende os seguintes servizos:

- a) Servizo de acollida e vixilancia das/os participantes.
- b) Realización de actividades.

11.- Serán causa de extinción do servizo e baixa no mesmo as seguintes:

- a) Incumprimento dos requisitos establecidos.
- b) Incumprimento das normas de convivencia establecidas.
- c) Por solicitude da/o nai/pai ou representantes legais.
- d) A comprobación de falsidade na documentación achegada.
- e) A falta de asistencia durante 15 días sen causa xustificada.

12.- As familias deberán cumprir estritamente todas as condicións e medidas que se lles indiquen como forma de protección da saúde de todas as persoas participantes. É obrigatorio que as/os menores leven a súa propia mascarilla.

### **ORGANIZACIÓN:**

1.- Valorarase individualmente a posibilidade de participación na Aula Lúdica. Non se permitirá a participación de persoas que pertencen a grupos de risco ou que convivan con grupos de risco.

2.- Antes do inicio do servizo é obrigatoria a presentación dunha declaración responsable que reflecta que a/o nena/o durante os 14 días previos á entrada na Aula Lúdica non ten sufrido febre, tose, cansancio, malestar xeral e que non ten estado en contacto con outra persoa con dita sintomatoloxía, así como que non pertence a un grupo de risco nin convive con persoa de risco

3.- Reforzaranse as medidas de hixienización no lugar onde se realicen as actividades.

4.- Organizaranse grupos reducidos con cada monitora ou monitor, co obxectivo de cumprir a normativa de seguridade.



CONCELLO  
DA LARACHA

5.- Estes grupos estarán constituídos preferentemente sempre polas mesmas persoas para reducir posibilidades de contaxios.

6.- As familias deberán estar localizadas e en disposición de recoller á persoa participante de forma inmediata no caso de que así se requira polo monitorado da Aula Lúdica.

7.- O concello da Laracha resérvase o dereito á reorganización, adaptacións e/ou suspensión do servizo se a situación sanitaria así o require

A Laracha, 19 de agosto de 2020